

Na temelju članka 13. stavak 2. alineja 4. Zakona o načelima lokalne samouprave u FBiH („Službene novine FBiH“, broj: 49/06), člana 4. 5. Zakona o pripadnosti javnih prihoda Hercegovačko – neretvanska županija/kanton („Službene novine HNŽ“, broj: 2/09) i člana 19. i 77. Statuta općine Prozor – Rama („Službeni glasnik općine Prozor – Rama“, broj: 3/01), Općinsko vijeće Prozor – Rama na sjednici održanoj dana 09.03. 2011.godine, **donijelo je**

O D L U K U

O UTVRĐIVANJU POREZA NA FIRMU ILI NAZIV

Članak 1.

Ovom Odlukom utvrđuju se obavezanici, visina, način obračuna i plaćanja poreza na firmu ili naziv, u općini Prozor - Rama.

Prihod ostvaren od poreza na firmu ili naziv, pripada općini Prozor – Rama.

Članak 2.

Firmu ili nazivom u smislu ove Odluke smatra se ime pod kojim je porezni obaveznik registrovan kod nadležnog tijela, sjedište osobe kao i broj odnosno naziv poslovne jedinice, kada se firma ističe na poslovnoj jedinici.

Pravne i fizičke osobe koje obavljaju djelatnost na osnovu odobrenja nadležnog tijela dužne su na prostorijama gdje se obavlja djelatnost istaknuti naziv firme.

Firma se ističe najkasnije danom početka obavljanja djelatnosti.

Članak 3.

Obaveznici poreza na firmu ili naziv su pravne i fizičke osobe koje imaju sjedište na području općine Prozor – Rama te pravne osobe koje nemaju sjedište na području općine Prozor – Rama a svoju djelatnosti obavljaju putem poslovnih jedinica, podružnica i slično na području općine Prozor – Rama.

Članak 4.

Porez na firmu ili naziv plaća se u godišnjem iznosu i to:

- 1.** Pravne osobe koje posluju u mjestu Prozor u iznosu od 200,00 KM,
- 2.** Pravne osobe koje nemaju sjedište na području općine Prozor – Rama a imaju poslovne jedinice, podružnice i slično u mjestu Prozor za svaku poslovnu jedinicu i slično u iznosu od 100,00 KM,
- 3.** Fizičke osobe – ugostiteljske i trgovinske djelatnosti u mjestu Prozor u iznosu od 200,00 KM,
- 4.** Fizičke osobe – obrtnici i ostali u mjestu Prozor u iznosu od 100,00 KM,

Pravne i fizičke osobe koje imaju istaknute firme u ostalim mjestima općine Prozor – Rama plaćaju 50% iznosa iz prethodnog stava.

Članak 5.

Od plaćanja poreza na firmu ili naziv utvrđenog ovom Odlukom oslobađaju se porezni obaveznici fizičke osobe koje se bave djelatnostima:

- a)** tradicijskih i starih zanata,
- b)** primarne poljoprivredne proizvodnje,

Članak 6.

Obaveznici poreza na firmu ili naziv iz člaka 3. ove Odluke podnose prijavu poreza na firmu ili naziv poreznoj upravi FBiH, Porezna Ispostava Prozor – Rama do 31.03. za tekuću godinu za koju se vrši utvrđivanje poreza, na obrascu PT koji je sastavni dio ove Odluke.

Članak 7.

Obaveznici poreza na firmu ili naziv koji tokom godine otpočnu sa obavljanjem djelatnosti, dužni su podnijeti poreznu prijavu iz prethodnog člana u roku od 30 dana od dana registracije u godišnjem iznosu koji odgovara 1/12 godišnjeg iznosa za svaki mjesec od početka poslovanja.

Članak 8.

Ako porezni obaveznik sam ne podnese poreznu prijavu u roku utvrđenom ovom Odlukom Porezna uprava će sačiniti i podnijeti prijavu u njegovo ime, u skladu sa članom 21. Zakona o poreznoj upravi F BiH („Službene novine F BiH broj: 33/02, 28/04, 57/09 i 40/10) po isteku roka od 15 dana od krajnjeg roka za podnošenje prijave.

Na tako podnesenu poreznu prijavu, porezni obaveznik ima pravo žalbe u skladu sa članom 76. Zakona o poreznoj upravi F BiH. Svako nepodnošenje prijave od strane poreznog obaveznika bit će sankcionirano u skladu sa odredbama Zakona o Poreznoj upravi F BiH.

Članak 9.

Porez na firmu ili naziv plaća se u roku 15 dana od dana izvršnosti prijave poreza na firmu ili naziv.

Članak 10.

Po pitanju postupka podnošenja porezne prijave, zatezne kamate, povrat poreza, prisilne naplate i žalbenog postupka primjenjivat će se odredbe Zakona o poreznoj upravi Federacije BiH.

Članak 11.

Nadzor nad provođenjem ove Odluke vrši Porezna uprava Ispostava Prozor – Rama.

Članak 12.

Stupanjem na snagu ove Odluke prestaje važiti Odluka o porezu na firmu ili naziv („Službeni glasnik općine Prozor – Rama“ broj: 4/01).

Članak 13.

Ova Odluka stupa na snagu danom donošenja a ima se objaviti u Službenom glasniku Općine Prozor – Rama.

PREDSJEDNIK

Zajko Čorbadžić

Bosna i Hercegovina
Federacija Bosne i Hercegovine
Hercegovačko-neretvanski kanton
OPĆINA PROZOR-RAMA
OPĆINSKO VIJEĆE
Broj: 01-06-939/11
Dana: 10.03.2011.god.